

Jadã so trekrã pò rondze
Jadã, a ze mnã w gromadze
Wòlszczón je, są dwaji Miotcë
Cylka z Makùratã jadze...

Jedzemë a na przëczepie
Sedzą z kagewù białeczczi:
Je Anka z Grénwaldką w grëpie
I sztërë sedzą Rolbiecczé...

Jedzemë zelonym procëm,
Co nikwią nóm gòspòdarczi
Przék ti brukselsczi gëpòce
Przék torbòwati warszawce...

Niech sobie wsadzą te "ładë",
Dze nawetk miesądż nie zazdrzi!
Më gbùrzë, nie chcemë zwadë
Płacymë grëbé pòdatczi...

Maszinë wzãté na bòrdzi
A ni ma spłacëc jich z czegò
Przesniti òrnąg brukselsczi!
Wcyg z Ùkrajinë jesz wòżã...

Le cobë pòzbëc sã gbùrstwa...
Niemcë nas chãtno wëżëwią
(Wiedno sã naléze kùr.a,
Co òjca za dëtka wëdô...)

Jima ju chòc krusze nasze
Swòjim pòtcëwim pierdzenim
Efekcëska ceplarniané
Robią, tej są zagroženim...

Trasów je nabùdowóné
Za eùro Judasza dëtczci
Na co, czej mdze zakòzóné
Bë człowiek so dizlã jezdzył...?!

Leno elektrik, hibrida
Dostónie atest w ùrządze
A stòrô, kaszëbskô biéda
Piechti jak bédło pòpãdzy...

Temù, czej mòzemë wòlno

Trekrama cygnąc z przęczipą -
Najeździwómë sã bëlno
Mòże òd te mdze co lepi...?

Doma bë sedzelë ludcë,
Cobë na zymkù wińc w pòle...
Nie dadzą czerwòny bówcë -
Temù mdzemë sztrajkòwelë!

Òbezdrzi Bóg naszą biédã
A ùrwie cyc kòmùnístóm
I pòzebierzemë żniwa
A sprzedómë zagraniczno...

Wzątk z tegò bądze stolemny
Prizë za miãso jak trzeba
Fit for fifti fajf - trup zëmny.
Wòlny mdze w kùńcu Kaszëba...!

Tómk Fópka, Wejrowò, 9 gromicznika 2023 rokù, gòdz. 4.12 p.p.